

四庫全書存目叢書編纂委員會編

齊魯書社

四庫全書存目叢書

集部

第三二三冊

責任編輯：孫言誠 賀 偉

ISBN 7-5333-0615-5



9 787533 306151 >

EB29/03

四庫全書存目叢書·集部三二三

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092 毫米 16 開本 50.875 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第三二三冊目次

集部・總集類

詩宿二十八卷詩人考世二卷(一)

〔明〕劉一相輯
甘肅省圖書館藏明萬曆三十六年刻本

.....一

詩宿二十八卷詩人考世二

卷(一)

〔明〕劉一相輯

甘肅省圖書館藏明萬曆三十六年刻

本

詩宿叙

大泌山人李維楨本寧父謨

劉藩伯惟衡嘗分古選唐詩各從其類而傳行之以為未集大成也益采周秦漢魏六朝三唐之詩聲調雅正意興婉至體裁特出變化入神者區別差次其部二十有八為天文時令地理帝德居

詩宿李庄

一

宇宮閨朝省郊廟軍旅應制神情宴遊寄贈勳和行邁餞送畱別契闊悲弔天治俠少隱逸釋道音樂器物昆蟲草木部之中復有類焉其目一百五十有四其所以羣分類聚之凡有八按部之數適與二十八宿合因名之曰詩宿云不佞卒業而嘆其有功於詩者三昔者孔

子語小子何莫學夫詩多識于鳥獸草木之名而後人為詩者詠物徵事以多為貴若夫博聞強記之難也則類書興焉皇覽而降其製寢盛華林脩文之所纂緝虞徐歐陽之所會萃可以為詩材而不可以為詩法惟衡非詩不入類即樂府選詩如十九首之屬必析而載之類有可互見者就其所重朝省之訓和則屬朝省釋道之贈遺則屬釋道平以鳩庀詩材如取如攜而法則自具功一矣近代為品彙者詳於格為雅音編者詳於韻而無關於類為唐詩類苑者詳於類而筆削未遑為唐雅者亦有類矣而事多應制未盡風人之旨又僅享唐

詩宿李序

二

一朝為詩所者詳於類體而非類事又訖六朝不及唐惟衡合而類之上下古今質文殊尚師承殊派考鏡折衷最為簡要功二矣晉以前詩直述胃臆不必肖象於物取証於事而後人即以其詩為物為事六朝以下詩無事無物者鮮而詩之趣亦因以病惟衡于陳隋以上詩體不甚別者都稱古詩惟以時代為序至唐則因題分類因時分人因詩分體使學者知詠物徵事所從來視時為升降視人為妍醜或損益古而善或模擬古而失或師古而若非古或不師古而自為古可因可革如指諸掌功三矣惟衡弱年博學多通言語妙天下舉進

詩宿李序

三

士高第愈肆力文章百家之書無所不
窺而尤覃精於詩洎夫令稷山與其邑
人梁理夫立夫兄弟言詩日有妙悟精
詣雖簿領委積軍旅劬勩校讐討論不
釋於手茲編義例獨創而師友切磋受
益不少計費二十年心力殺青斯竟豈
夫尋聲逐響蠡測管舉之智可同年而

詩宿李序

四

語也哉今之學者溺於所聞即論詩知
有唐而已自北海馮汝言作詩紀而人
識唐詩所由來自惟衡作詩宿而人識
唐詩與古所由異兩人有功詩學甚大
且皆山東人班孟堅傳儒林有齊詩魯
詩學司馬子長謂齊魯於文學天性詎
不信夫

萬曆戊申春王正月朔

刻詩宿序

天地有正氣揭日月以麗星辰宇宙有
元聲闡性情以諧律呂邇永言所自始
委婉璣璇究風雅所由來契符經緯彙
千古之精粹與河漢而為昭抒百代之
才情燦雲霄而垂象謂聲詩之變幻同
列宿之森羅允矣名實相孚灼然罕譬
而喻者已愧蕃之不敏幸

詩宿朱序

師之有傳憶自癸巳之夏得侍頃陽劉
夫子于南司馬署中牖以向學進與言
詩竊嘆其學海濔泓茫無津涯之可測
砥源峻潔卓有律度之可循方因公車
難窺管蠡願深請益時未暇圖乃夫子
返長白之駕作逍遙之遊川觀巖栖逾

留神于韻語手披口誦每觸類于編纂

包舉既閑若圓蓋之覆冒萬有條理畢

粲如繁星之纏次中天總以二十八部

之綱維握夫百千萬端之樞紐展卷而

隨材定品因世論人如舉目則覩太虛

之炳耀支分而據詞得情由博探約如

觀象則識三極之迴還當巴渝戎馬之

詩宿朱序

二

場猶興歌于橫槊比秦隴幃帷之暇更

高詠于撚鬚蓋由羅列于心胸者貫玉

編珠而有條不紊故搜剔于簡帙者捫

參歷井而光景彌新既授梓人將告成

乎謬陳短引僭附知音至若夫子千古

為徒片言不朽才兼文武而歆然不居

共有學富天人而冲芳不見其長則又

獨會夫興觀羣怨而得昭曠之原體備乎遠邇名物而居通理之要不徒解頤于匡鼎何假探賸于鄭箋此固詩之本原宿之辰極而完具古人之神情于方寸中提撕後學之智慮于陳言外者乎語雖不文信非阿好瑤光指掌欣賞同心

詩宿朱序

三

大明萬曆戊申春正月之吉

賜進士及第奉議大夫右春坊右諭德掌南京翰林院事前翰林院脩撰記

注

起居編纂章奏管理

誥勅欽差正使朝鮮

賜一品服金陵門人朱之蕃書



刺詩宿叙

列宿昭回在天成象詩宿何謂邪詩以類分類以部統部二十有八類符宿而名寄焉乃茲編寔階稷山稷梁理夫立夫二先生言詩余官稷多暇肯耳緒論又得閱理夫類律神情寤寐蓄意鴻衍比贊軍巴渝不妨鉛槧舉古選唐詩各

詩宿序

一

剖類各自爲卷未匯也匯之在戊戌餉邊過里日割諸集而櫛比具有梗概猶屬草草攜之北入都鹵入蜀鉢心犁理第拮据在事未竟迄蜀歸五載長白篇什是常其自雅騷外絲唐而六朝漢魏周秦上遡黃虞之邈作者遞興美不可勝收已就其調雅意至體裁正而變態

奇者始部收之大都以詩不以題取嚴
不取備類也而別世與體務便詠便稽
嗽不失繹行吟以之鼓吹披覽以之臥
遊是余樂也亦將樂人人也顧篇章叢
蝟疑信相參或一詩而各部並收或一
語而諸刻迴別精神欲浹耳目難周異
同離合純駁周漏之關不小已刪以付

宿序

二

才山人良知山人風雅沈酣煙霞足致
殫心離校術業不分狔兒輩亦間預叅
質汔就已乃田間梓也未能客歲余彊
起再役關中關中翰墨都也亟謀剗剗
樊虞舛謫復招稷鄭孝廉寅梁太學蕙
共水君集署中詳訂諸集互迴詰難類
嚴析于分合功間施乎裒益漸協律度

烏憚改絃蓋自辛卯許歲屢衷未釋老
竟焉旬日刪譬諸把握珠璣交娛心目
以終始稷山之緒豈惟現前踴躍卽理
夫立夫二先生不滅神識亦當欣賞是
可梓也梓焉而名從詩宿不易夫雲漢
天章象垂人刪人文炳而天象昭俯仰
遐近安有異軌余誠闇詩乃耽焉逾嚴

詩宿序

三

色怒焉視渴饑篇溢萬歲迄數千也豈
不變態縱橫光怪疊映與周天繁星並
揭方且從焚雜擷芳腴從渺漭揭要領
若網麗網厥條自晰依稀乎四七之羅
象緯而不淆繁星者附宿者也列宿者
紀星者也經緯正隅樊不渝整故曰章
宿章于天詩章于人均燦然可紀焉顧

詩亦難言矣無言而上不容說而嚴而
文而象數分之又分何擬議多岐邪古
之知兵者揮動天倪幾煩陣布陣之圖
之夫豈得已意固難于盡洩神安挈而
可傳以爲恒衆教如是止茲編區詩名
象亦用陣圖來者俾游泳歲月漬浸其
中手舞足蹈之會惡知不窺藏秘密邪

詩宿序

四

蓋神而明之何下非上卽老氏稱善師
不陳亦不能盡廢陳也且人皆觀宿亦
觀所爲宿乎氣何聚明何生疇幹而疇
執其符善言文者徵之天瀾象成而變
化見形表之物域外之觀詩與宿一而
二二而一者獨上智神喻庸衆剿口吻
是逐狝尺萬里言詩何爲且詩尼父雅

言余何人斯哆言僭鄙惟是代類陳篇
類析如彼森森亦如彼井井儻足鏡世
辨才而明物當說鈴于詩邪庶不孤蠹
魚歲月焚終未敢必也

萬曆丁未冬十月甲申

賜同進士出身朝列大夫陝西布政司

撫治商洛署守巡關內道右叅議前

詩宿序

五

刑部四川司郎中南京吏科給事中

長山劉一相識

相識

劉一

楚齒末學王廷詔書

王廷詔

書

余向藉諸英校次詩宿業已付梓則訓兒復寄聲關
內亟在訂正余是之迺索儒士得長安何補之太學
三原來臨茂才均名家子質有其文者迺署中復偕
木君從新版嚴校錯譌不憚易置蓋又閱月而甫愜
於志始知祝合敬止各有攸當二君力何可令泯泯
也遂紀之戊申春季一相又識

詩宿義例

一刻詩名義敘中頗悉若乃部列後先與部頭稱名不盡沿舊亦有可言起天文時令地理帝德也三才之象也次居宇宮闈朝省也五倫所託處也祀戎大務賡和休風故郊廟軍旅應制次焉乃若神情詩所宅也宴遊交暢贈和互發詩所賴也有行邁則有餞別從離合而見契闊悲弔之詠契闊千古夫疇非人事疇非神情而天治俠少或麗或雄隱逸釋

詩宿義例

道收攝恬漠濃淡異趣均託寰中何可去邪音樂宣鬱于兩間器物錯陳乎萬象人于適情丁寄莫不規自聖神各有攸當以至有情昆蟲無情草木親上親下竝屬大陶則又聖神咸若以翊贊玄化成帝德而貫三才者故以是終焉於乎詩發乎情止乎禮義三百篇皆然余編亦稍稍規倣頓忘吳越之僭知我罪我夫亦聽之來者

一是編主分部類雖十九首樂府選詩雜詠各

應收類者不妨剖析令舉目瞭然不費窮搜之力

一類詩序朝代先後陳隋而上不拘三四五七言通曰古詩亦止論世次不拘體裁至唐體各備則又因題分類因時分人因詩分體用便檢閱匪敢瑣瑣

古詩多收全篇間有錄僅數語洎取節文者或以古奧或經唐人摘取載藝文初學諸編者今稍錄之但題下註節文二字

詩宿義例

一各部有應別目類者細分之有難分細類仍有分別者或以時或以物著倫次而不著類如寄贈訓和餞送留別俠少無類可分也止以體以世爲序又有重類者各以類附如早朝諸詠收朝省不入訓和贈僧道詩各收釋道部內不入贈送是也此自變例難以槩論集中如陳隋亡國之音唐晚漸不及格倡伎變童不勝靡曼收之夫豈無以江左新聲晚唐餘韻才均作者弃之不能正如變風變雅

消上桑間尼父刪述亦所不廢一代人文存之亦足鏡世而備需未可執一論也

一作者世代爵里各有考據竝載左方至如古逸之世難覈大聖聲施天壤可以名可以無名又不拘恒格焉

一古昔神聖有作詩卽爲經未涉蹊逕間載其

一二崑崙星宿寔祖衆流非敢漫擇也乃神

聖名號自當尊閣詩題之上難以後代詩人

匹之陳後主詩諸家列陳詩前余鄙若入隋

詩宿義例

三

應詔亡國無慙故移之陳末稍以示譏貶存

鑒戒耳虞世南仕隋復仕唐去暗向明有可

原者故其詩在隋收隋在唐收唐不妨竝存

三者皆變例也

詩人考世上

古逸未詳

陶唐

康衢童兒

擊壤老人

有虞

大舜

八伯

夏

詩宿爵里卷上

大禹

商

成湯

箕子

伯夷

陵牧子

周

武王

穆王

太子晉

蔡公謀父

宋正考父

晉穆子

齊景公

孔子

韓非子

慎子

齊宣威

詩宿爵里

齊犢沐子

齊魯連子

齊晏兒

晉士蔿

宋策者

荆軻

衛人史記曰燕太子丹使荆軻刺秦王太子及賓客知其事者皆白衣冠以送之至易水之上既祖取道高漸離擊筑荆軻和而歌為變徵之聲士皆垂淚涕泣又前而為歌復為羽聲亢慨士皆瞋目髮盡上指冠於是荆軻就車而去

吳王女

搜神記曰吳王夫差小女名玉悅童子韓重欲嫁之不得乃結氣而死重游學歸知之往弔於墓則王形見顧重延頸而歌

韓憑妻何氏

戰國時韓憑為宋康王舍人妻何氏美王欲之捕舍人禁青陵臺何氏作鳥鵲歌以見志遂自縊死

楚

項羽

名籍沛國下相人也先世世為楚將秦亂起兵自稱西楚霸王後為漢高帝所滅

漢

高帝

姓劉氏諱邦字季

武帝

姓微景帝子

詩宿爵里

卷上

昭帝

諱弗陵武帝第三子

淮南子

厲王長子名安文帝時封為淮南王好書鼓琴不喜弋獵招致賓客方術之士後與賓客左吳日夜為反謀事覺廷尉逮捕安欲發兵猶豫未決帝使宗正以符節治安未至安自刺

四皓

東園公姓唐字宣明綺李季夏黃公姓崔名廣字少通齊人月里先生姓周名術字元道河內人四人俱隱商山

東方朔

字曼倩平原厭次人武帝時待詔公車以詠諧口見稍得親近累遷大中大夫給事中

司馬相如

字長卿成都人以貴為郎事孝景帝為武騎常侍因病免後武帝召為郎以辭賦得幸帝有消渴病既免家居茂陵史稱其多識博物對為辭宗賦頌之首

枚乘

乘與司馬相如鄒陽同時善詞賦取重武帝初事吳王濞謀反乘上書再諫不聽人服

蘇武

字子卿京兆人武帝天漢二年以中郎將使匈奴十九年不屈節會昭帝與匈奴和親得歸漢拜為典屬國宣帝神爵二年卒

李陵

字少卿廣陽人也為騎都尉天漢中將步卒五千擊匈奴轉關失盡遂降匈奴于以女妻之立為右校王在匈奴二十餘年卒○詩品曰李陵詩其源出於楚辭文多悽愴怨者之流陵名家子有殊才生命不諧聲顯身喪使陵不遭幸苦其文亦何能至此中山人故倡也坐法腐刑給事狗監中歌為新變聲所造詩謂之新聲曲女弟李夫人得幸武帝延年由是貴為娼律都尉

李延年

詩仙爵里

卷上

楚父老

西漢末人

唐山夫人

高帝姬常昭曰唐山姓也

烏孫公主

班婕妤

左曹越騎校尉況之女少有才學成帝選入宮以為婕妤後趙婕妤燕諧其呪詛考問之上其對遂求共養太后長信宮○詩品曰婕妤詩其源出於李陵團扇短章辭旨清婉怨文詩得匹婦之致休儒一節可以知其工矣

卓文君

王昭君

麗玉

名嬀漢宮人元帝時匈奴入朝以嬀配之號寧胡閼氏朝鮮津卒霍里子高妻

靈帝

班固

諱宏河間孝王之曾孫先封解瀆亭侯桓帝建武武迎立即位二十二年武司馬以母喪去官永元初大將軍憲征匈奴以為中護軍諸子多不遵法憲敗免官洛陽令种兢捕繫固遂死獄中漢之宗姓

劉向

張衡

字平子南陽西鄂人安帝時徵拜郎中再遷太史令順帝陽嘉中遷侍中宦官懼其殺已共譏之出為河間王相三年上書乞骸骨徵拜尚書卒

高彪

慈邕

字伯喈陳留圉人也性篤孝建寧中辟司徒橋玄府出補河平長召拜郎中校書東觀遷議郎靈帝崩董卓為司空辟邕還尚書侍中及卓被誅王允收邕付廷尉遂死獄中

詩仙爵里

卷上

趙壹

字元叔漢陽西縣人也光和元年舉郡上計是時司徒袁逢受計逢與河南尹羊陟共稱薦之名動京師及西還州郡爭致禮命十辟公府並不就終於家

酈炎

字文勝范陽人有文才尚志氣靈帝時州郡辟命皆不就炎後風病恍惚性至孝遭母憂病甚發動妻始產而驚死家訟之炎病不能理對竟死獄中

仲長統

字公理山陽高平人少好學博涉書記應於文辭尚書荀彧舉為尚書郎後參丞相曹操軍事獻帝遜位之歲統卒

孔融

字文舉魯國人孔子之後少有重名舉高第為侍御史遷虎賁中郎將以忤董卓轉議郎出為北海太守累遷太中大夫數以書爭曹操為操所害

秦嘉

字士會晚西人

辛延年

宋子侯

蔡琰

字文姬，邕女，博學有才辯。適河東衛仲道。夫亡，無子，歸寧于家。興平中，天下喪亂，姬為胡騎所獲，沒於南匈奴。左賢王在胡中十二年，生二子。曹操痛之，無嗣，乃遣使者以金璧贖之，而重嫁陳留董祀。

蘇伯玉妻

竇玄妻

諸葛亮

字孔明，瑯琊人。

無名氏

詩仙爵里

卷上

六

魏

武帝

諱操，字孟德，沛國譙人。漢舉孝廉，為郎，歷為丞相、封魏王。後其子丕代漢，追謚曰武皇帝。廟號太祖。○詩品曰：曹公古直，甚有悲涼之句。

文帝

諱丕，字子桓，太祖長子。八歲能屬文，建安十六年為五官中郎將。二十二年立為魏太子。○詩品曰：文帝詩源出於李陵，頗有仲宣之體。乃百許篇，率鄙質如偶語，惟西北有浮雲、十餘首殊美，瞻可觀，見其工耳。

甄后

鄴都故事云：魏文帝甄皇后，袁紹中子熙之妻也。太祖破紹，文帝時為太子，遂納為夫人。生明帝，後為郭后所譖，賜死後宮。

明帝

諱叡，文帝子。

曹植

字子建，太祖子，文帝同母弟也。建安十六年封平原侯，尋徙封臨菑侯。文帝即位，命諸侯並就國。黃初二年，徙封安鄉侯，改封甄城。三年立為甄城王。四年徙封雍丘。明帝太和元年，改封陳王。薨，年四十一。謚曰思。○詩品曰：植詩源出於國風，骨氣奇高，詞彩華茂，情兼怨雅，體被文質，粲溢今古，卓爾不羣。嗟乎！陳思之文章也。譬人倫之有周孔，鱗羽之有龍鳳，音樂之有琴瑟，女工之有黼黻，譬爾懷銘，之門如有詩則公幹升堂，思王入室。景陽潘陸自可坐於廊廡之間矣。

王粲

字仲宣，山陽高平人。有異才，漢獻帝西遷，徙居長安。後依劉表，荊州表卒，曹操辟為丞相掾，賜爵關內侯。拜侍中，建安二十二年卒。○詩品曰：粲詩其源出於李陵，發愀愴之詞，文

詩宿爵里

卷上

七

陳琳

字孔璋，廣陵人。避難冀州，袁紹使典文章。袁氏敗，後歸太祖。太祖使琳與阮瑀並為司空軍謀祭酒，管記室，軍國書檄多琳瑀所作也。徙門下督。

徐幹

字偉長，北海人。為司空軍謀祭酒，掾屬五官將文學。○詩品曰：徐幹詩源出於李陵，頗有仲宣之體。乃百許篇，率鄙質如偶語，惟西北有浮雲、十餘首殊美，瞻可觀，見其工耳。

劉楨

字公幹，東平人。太祖辟為丞相掾，屬太子曹芳。○詩品曰：劉楨詩源出於李陵，頗有仲宣之體。乃百許篇，率鄙質如偶語，惟西北有浮雲、十餘首殊美，瞻可觀，見其工耳。

應瑒

字德璉，汝南人。漢泰山太守劭之從子也。魏太祖辟為丞相掾，屬轉平原侯庶子。後為五

官中郎將文學建安二十二年卒

阮瑀

字休璉瑀之弟博學好屬文明帝時歷官散騎常侍齊王卽位稍遷侍中大將軍長史曹爽多違法度瑀爲詩以諷焉其言雖頗諧然多切時要後爲侍中典著作嘉平四年卒○詩品曰瑀詩祖襲魏文善爲古語指事殷勤雅意深篤得詩人激刺之旨焉

阮瑀

字元瑜陳留人少受學于蔡邕曹操辟爲司空軍謀祭酒管記室後爲倉曹掾屬建安十七年卒

繆襲

字熙伯東海蘭陵人有才學多所叙述官至侍中尚書光祿勳文章志曰襲辟御史大夫府歷事魏四世正始六年卒

宿爵旦

卷上

繁欽

字休伯文才機辨少得名於汝穎爲丞相主簿建安二十三年卒

王質

字季重濟陰人以文才爲文帝所善官至振威將軍假都督河北諸軍事封列侯太和四年入爲侍中卒諡威侯

何晏

字平叔南陽宛人尚主又好色故黃初時無所事任正始中曹爽用爲中書主選舉宿舊者多得濟拔爲司馬宣王所誅

程曉

字季明衛尉安鄉侯昱之孫以祖功分封列侯嘉平中爲黃門侍郎遷汝南太守○古文苑作晉人

管輅

稽康

字叔夜譙郡鉅人好言老莊而尚奇任俠寓居山陽貧鍛以自給與魏宗室婚拜中散大夫

阮籍

字嗣宗陳留尉氏人司空記室瑀之子容貌瑣操志氣宏放初辟太尉掾進散騎常侍大將軍司馬昭欲爲其子炎求婚籍乃醉六十日不得言而止後引爲從事中郎籍聞步兵廚多美酒遂求爲步兵校尉縱酒昏酣遺落世事又對人能爲青白眼由是禮法之士深所讐疾大將軍常保持之○詩品曰阮籍詩其源出於小雅無雕蟲之功而詠懷之作可以陶性靈發幽思言在耳目之內情寄八荒之表洋洋乎會於風雅使人忘其鄙近自致遠大頗多感慨之詞厥旨淵放歸趣難求類延之注解怯言其志

卷上

九

劉勰妻王氏

平陽將軍劉勰妻也入門三十餘年後勰悅山陽司馬氏以宋無子出之

吳

張純

吳郡人少有清才與同郡張儼朱異俱童少往見驃騎將軍朱據據聞三人才名欲試之曰今三賢屈顧老鄙渴甚矣其爲吾各賦一物然後乃生純曰駿裏以迅驟爲上鷹隼以輕疾爲妙何必積思皆隨目立成據大悅

張儼

朱異

晉

張華

字茂先范陽人晉武帝受禪以爲黃門侍郎贊伐吳有功封廣武侯遷尚書後進爲侍中